



**Quæstionum Canonicarum, In Quinque Libros
Decretalium, Tomus ...**

In Librum I. Decretalium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

Articulus XIV. An, & qualiter lex extendatur ad præterita?

[urn:nbn:de:hbz:466:1-73031](#)

lum trahens absurdum, licet non trahatur ad alterum, ut bene observat Abbas c. *Cum in cunctis*, de Elect. §. cum verò. Sic dispensatus ut obtineat præbendam canonicalem, non propterea dispensatus est ad habendam vocem in Capitulo, quæ non datur non constituto in Sacris. Nam esse præbendarium stat sine ordinibus Sacris. Similiter habens facultatem dispensandi cum adulterino, vel incestuoso, non propterea dispensare potest cum laborante *utroque*; nam disfunctiva stat, quin necessariò requiratur veritas copulativa, seu utriusque, & colligitur ex c. per Venerabilem, qui filii sunt legitimi. Nam in dispositione odiosa super simplici non venit mixtum, ut notat Butrio c. at. si Clericis, §. de adulter. circa finem, de Judic. apud Corradum cit. n. 27.

1003. Hinc, quod dicitur in c. per Venerabilem, qui filii sunt legitimi, & in textibus n. 997. relatis, ut dispositum in uno censemur dispositum in altero, quando id judicari potest per similes casus, non aliter intelligendum venit, quam ut procedat in necessario connexis, vel inclusis sub maiori, non autem in separatis; nam in his non militat ratio, quæ pro illis, ut constat ex dict. n. 1001. sic Corradus cit. à n. 23. Censem tam Castropalaus cit. §. 4. n. 14. Judicem, in judicando, legem, quæ loquitur de aliquo casu, debere extendere ad alterum similem, cum pro isto decidendo non est certa lex; quia prudentia, & recta ratio postulat, ut hujus decisio petatur à decisione casus similis juxta L. Nam, ff. de legibus, ibi: quando lex in uno disponit, bonam esse occasionem, cetera, que tendunt ad eandem utilitatem, vel interpretatione, vel certa jurisdictione suppleri, de quo plura Felinus in c. Translato, de Constitut. n. 10.

1004. Not. 2. quando, lex causâ frequentioris usus, aliquid decernit, de casu, vel persona v.g. speciali, non propterea excludi causam minus frequentem; nec ejus dispositionem procedere de illo, in quantum frequentior est, sed cum duntaxat exprimi exempli causâ. Et in ejusmodi lege ipsius dispositio se porrigit ad omnes personas, vel causas similes; nam exempla declarant, non limitant dispositionem, etiam si correctoria sit; ita P. Ferdinandus Rebellus l. 1. de oblig. just. q. 6. S. 4. Sua-

rez l. 6. c. 4. n. 10. & alij. Tunc enim procedit lex ex ratione, in quantum universalis est, ut colligitur ex L. His solis, C. de revocat. donat. L. Regula, §. fin. ff. de juris & facti ignorantia.

ARTICULUS XIV.

An, & qualiter lex extendatur ad præterita?

In ter leges alia est *dispositiva*, seu inducetiva novi; alia *declarativa* antiqui juris. Illa est, quæ legem propriè constituit; ista, quæ quæ talis non constituit, sed jam constitutum declarat, seu manifestat, quod prius latebat, ut observat Fagnanus, c. quoniam, de Constitut. n. 15. Nam declarare nihil aliud est, quam aperire, seu manifestare legis, aut constitutis intellectum, seu sensum, quem habuit Princeps tempore editionis legis. Hac autem declaratio contingit, quando lex est obscura; vel cum erratur in ejus intellectu, quibus positis;

§. I.

An lex dispositiva extendatur ad præterita?

Quando lex, vel constitutio expressè dicit, quod non ad præterita, sed ad futura referatur, non est dubium, eam ad præterita non extendi posse, c. fin. de Constitut. & L. leges Sacrissimæ, C. de legibus. Cœterum lex, quæ novum jus condit, ad præterita non extenditur, sed futuri tantum negotiis formam prescribit, nisi in lege nominatim expressum sit, ut etiam ad præterita extendatur. Idem habetur c. fin. eod. consentit L. leges, 7. C. de legibus, nam alias detrimentum patenterunt legis dispositionem ignorantes.

Not. autem. 1. quando lex nominatim exprimit dispositionem de præteritis, debe intelligi de negotiis præteritis prius non decisis, vel finitis transactione, solutione &c. L. causas, C. de transaction. & L. Contractus, C. de fide instrument. Natura etiam constitutionis est, respicere futura, non præterita, nisi id expressè caveatur, prout etiam colligitur ex gloss. in c. 2. de Constit. in 6. V. Commiserunt; & in c. unic. de cleric. non resident. in 6.

Not. 2.

1008. Not. 2. legem dispositivam non extendi ad præterita, si negotium, vel lis pendeat à Judice, vel in prima, vel in secunda instantia, nisi legislator exprimat, se velle, ut lex extendatur etiam ad causas pendentes; Pirhing *de Constitut.* n. 218.

1009. Not. 3. idem procedere, licet lex loquatur per verba præteriti temporis. Hinc si Judex per legem rescindit venditiones factas à minoribus, nisi expressè dicat, se idem velle etiam de factis ante hanc legem, solum de factis post legem intelligi debet; sic Felinus in *c. fin. de Constitut.* n. 2. §. amplia tertio. Ratio hujus est, quia legis præcipius effectus est dirigere actiones humanas; sed præteritum dirigi non potest, in quantum præteritum, & factum est.

1010. Ex hoc sequitur, nullam omnino legem, in quantum præceptiva, vel prohibitiva est, extendi ad præterita; quod enim jam præterit, & factum est, præcipi, aut prohiberi non potest, cum præceptū petat positionem; prohibitio omissionem actus; ita Suarez *cit. l. 3. de legibus c. 14. n. 8. &c. seq.* aliquae communiter.

1011. Not. 4. quando dicimus, quod lex extendi possit ad præterita, quando expressam facit mentionem, ut etiam ad ea extendatur, hoc non posse intelligi de lege, in quantum præceptiva, vel prohibitiva est. Nam quæ talis, semper tendit ad futura ex præced. num. Secùs est, ut dicemus, in quantum est punitiva, irritans, &c.

1012. Not. 5. quando diximus, legem, quæ facit expressè mentionem etiam præteritorum, extendi ad ea, si nondum sit perfecta, seu decisa per sententiam, transactionem, &c. non intelligi, si jam prius sint decisa, nisi etiam expressè faciat mentionem de his quoque, quæ decisa sunt. Nam legislator nullà lege, vel rescripto intendit derogare juri jam quæsito alteri, nisi hoc exprimat; sic gloss. in *L. causas, C. de transact.* Abbas in *c. fin. de constit. n. 9.* Sed tunc non extenderetur in quantum præceptiva, vel prohibitiva; sed sub alia ratione, ut constat ex n. 10. Idem est de præteritis jam conclusis, esto necdum executioni datis. Nam conclusione in causa, negotium finitum est, c. Auditio de Procurat. c. Pastoralis, de causa possess. c. cum dilectus, de fide instrum.

1013. Not. 6. legem, quæ expressè disponit e-

tiam de præteritis, probabilius non extendi ad causas jam cœpas, sed adhuc pendentes, nisi simul mentionem faciat præteriorum, etiam pendentium, ut diximus n. 1008. Nam negotio semel cœpto in foro competente, quilibet litigantium acquisivit jus, ut secundum leges tuhc vigentes sibi jus dicatur; huic autem juri quæsito nullus Legislator censetur velle præjudicare, nisi hoc exprimat.

§. II.

An lex, imponens pœnam delicto, extendatur ad delicta præterita?

R Esp. legem, quæ punitivam, posse extendi ad præterita delicta contra legem aliam commissa. Cum enim hoc ipso pœna digna sint, non est, unde repugnet, quod Legislator per sententiam illis condignam pœnam constituat; sed si potest per sententiam, potest etiam per legem, nominatim plectendo actus præteritos, & simul novis in futurum decernendo pœnam. Cæterum id dicendum non est, nisi lex id ipsum exprimat, quod pœna extendi debeat ad delicta etiam ante legem, vel statutum conditum commissa; quod tamen etiam in hoc limitari debet, ut non procedat. 1. si jam antè competenter punita sint; non enim detet bis punire in id ipsum. 2. si nova lex decernat pœnam delicto ircrendam ipso jure, tunc enim pœna deberet esse statuta, ut hoc ipso, quod factum sit delictum, faciens sit reus pœnae, quod esse non potest, cum posito delicto non extat lex eam imponens; accedit, quod ignorantia juris excusat à culpa contra jus ignoratum; lex autem statuens delicto non tantum culpam, sed etiam pœnam, facit jus ultra obligationem ad actum, quod ponitur ignoratum, utpote primò conditum post delictum; ergo. V. Felin. in *c. quoniam, de constitut. n. 14.*

Quæstio adhuc est: an lex punitiva, loquens etiam de delictis præteritis, iisque pœnam statuens, intelligenda sit de pœna, quam imponit hæc nova lex; an de illa, quam delinquens transgressus est ante hanc novam legem conditam? Felinus in *cit. c. quoniam, n. 14.* censet, si pœna legis antiquæ delicto conveniens erat, pu-

nien-

G g 3

niendum secundum illam juxta L. i. ff. de
paenit. & c. fin. de sent. excom. ubi dicitur,
quod pueris, qui inciderunt in canonem
sententiae promulgatae, sive ante, sive post
pubertatem petant absolviri, Episcopus id
possit, quia rigor est mansuetudine tempe-
randus, cum tunc, quando delictum fuit
commissum, fuerit defectus etatis. Cen-
set tamen Castropalaus cit. p. 3. §. 4. n. 11.
dicendum potius pro poena per novam le-
gem imposita, si haec convenientior sit,
eo, quod ad imponendam penam regu-
lariter inspiciatur tempus sententiae ex L.
penult. ff. se ex noxali causa agatur.

§. III.

An lex, in quantum irritans, extenda-
tur ad præterita?

1016. **Q**uestio est, an lex irritans aliquem
actum, & expresse loquens etiam de
præteritis, eo ipso etiam irritet actum, an-
te talē legē, validē celebratum? non
agimus hic de illis actibus, qui semel vali-
di, nullo deinceps humano jure irritabili-
les sunt, quales sunt complures actus Sa-
cramentales; sed de illis, qui, licet princi-
pio validi, adhuc tamen jure humano irri-
tabiles sunt, cuiusmodi casus esse potest in
multis contractibus, qui vel jure naturæ,
vel etiam positivo, cum celebrarentur, va-
lidē celebrati sunt; ex causa tamen boni
communis hoc exigentis rescindi possunt,
& nullari. Et hoc sensu verum est, posse
legem irritantem ad præterita extendi,
quando id exigit bonum commune; secūs
enim haec nova lex non foret justa. Id ta-
men nunquam dicendum est, nisi lex id
ipsum exprimat, nec aliter, nisi quantum
exprimit. Quare si statuat irritationem
etiam in actus præteritos, non exprimens,
licet jam deducti sint ad judicium, vel eti-
am decisi, aut per sententiam conclusi, non
extenditur ad actus pendentes, vel decisis.
Sic constitutio Tridentini sess. 25. de Re-
gularibus, c. 15. prohibens, ne quis infra
annum probationis emittat professionem,
afficiebat quidem non tantum futuros,
sed etiam actuales Novitios, sed non
professos ante illud
decretem.

§. IV.

An lex, in quantum declarativa, ex-
tendatur ad præterita?

LEx, in quantum declarativa, nihil 1017.
novi constituit, sed id solūm, quod an-
tē constitutum, sed latebat, vel ambiguum
erat, aperit, & manifestat; sic cum com-
muni Fagnanus in c. Quoniam, de Consti-
tut. n. 15. Circa præsentem quæstionem
not. condere leges declarantes, quid sit ju-
stum in foro animæ, pertinere ad potesta-
tem collatam Petro, & Successoribus ejus;
sic P. Mathæus de Moya in quest. select.
Theol. mor. tr. 1. q. 4. §. 1. n. 4. ex c. in no-
vo, dist. 21. c. Ita Dominus, dist. 19. c. o-
mnes, dist. 22. Extravag. unam Sanctam,
de majorit. & obed. c. Solite, eod. c. Cum
adveniant, c. quodcumque, 14. q. 1. c. Ad
Apostolicæ, de re judicat. in 6. c. Novit, de
Judic. c. Venerabilem, qui filij sint legitimi.
Hoc intellige de summi Pontificis authen-
tica declaratione legis Ecclesiasticæ à se,
vel Prædecessoribus latæ; doctrinalis e-
nīm (quæ solūm faciat probabilitatem) e-
tiam aliis concessa est, de quo ex professo
jam egimus à n. 931. ubi etiam exposui-
mus, an, & quando declarationes Cardi-
nalium pro dubiis Tridentini habeant vim
legis, seu authenticæ declarationis; nec-
sariam autem esse declarationis promulga-
tionem aquæ, ac ipsius legis conditæ con-
stat ex dictis à n. 113. etiam si esset revoca-
atoria prioris ex n. 115. vel etiam irritans,
ex n. 116.

Ad quæstionem autem propositam com-
munis tenet, quod lex, seu constitutio ab-
solutè lata, & solūm declarativa juris antiqui,
extendat se non tantum ad futura, sed
etiam ad præterita; sumitur ex c. cum tu,
de usuris. Et tali casu non tam obligat
lex declarans, quam declarata. Si autem
non est tantum declarativa juris antiqui,
sed etiam constitutiva novi, illam referri
ad præterita, in quantum est declarativa;
& in futura, in quantum est constitutiva
juris novi, nisi contrarium exprimatur.
Abbas c. fin. de constitut. n. 8. & 11. Azot
p. 1. l. 5. c. 16. q. 13. Legem irritantem
merè declarativam juris antiqui extendi
etiam

etiam ad præterita docet Layman in *cit. c. fin. n. 7.* Si autem de novo irritum redat aliquem actum, prius validum, extendi etiam potest ad actus præteritos, eos irritandō, seu rescindendō; Suarez *l. 3. de legib. c. 14. n. 11.* securus est, si irritet solum impediendō, ne actus valide fiat; Gail. *l. 2. obser. 9. n. 3.*

^{1019.} Ex hoc vides, de lege hac declarativa *juris antiqui discurrendum*, sicut de lege declarata; si enim declarat hanc, in quantum est merè præcipiens, vel prohibens, porrigitur solum ad futura; si in quantum aliquid novi constituens, vel puniens, aut irritans, de lege declarante dicendum venit, quod de declarata, si clara foret. Alias enim non esset merè declarativa legis, contra suppositum.

ARTICULUS XV.

De confirmatione legis.

^{1020.} **C**onfirmare idem hic significat, ac *approbare*, & validius, atque perfectius reddere, diciturque *juris prius habitu corroboratio*; ut cum Superior confirmat actum inferioris. Duplex communiter distinguitur confirmationis; una, quæ appellatur *in forma communi*, quando scilicet non præcedente informatione in particuli de actu, qui confirmatur, & de circumstantiis necessariò exprimendis illius, adhibitur confirmationis illius à supremo Principe, aut ab alio, ad quem spectat confirmationis. Altera, quæ appellatur *in forma speciali*, atque *ex certa scientia*, quando scilicet præcessit informatio in particuli de actu, & de circumstantiis illius necessariò exprimendis, aut totum insertum est in instrumento Confirmationis *c. 1. c. quod nostram, c. porrecta, de confirm.*

^{1021.} Confirmationis *in forma communi* actui confirmato nihil novi juris tribuit, sed ei, si subsistit, & quatenus subsistit, majus robur, & authoritatem addit; ut ait gloss. in *c. Quia, de concess. præbend. V. in forma*; & Bartolus in *L. privilegia, C. de Sacro-sanct. Eccles.* quia non innovat actum; Layman in *c. inter, de fide instrum. n. 10.* Robur autem, quod actui subsistenti addit, est in eo, quod actus ab inferiore factus legitimè, & à Superiori in forma communi confirmatus, ab inferiore retractari,

vel rescindi non possit; esto partes, in qua rū favorem ejusmodi confirmatio facta est, ab ea recedere possint de mutuo consensu; quia nemo invitus beneficiō sibi concessō uti cogitur. Omnis autem confirmationis censetur esse in forma communi, nisi ex aliquo signo ostendatur, quod sit in forma speciali; ita Suarez *de legibus l. 8. c. 18. n. 7.*

^{1022.} Censetur autem sufficiens signum, si confirmationis fiat cum clausula: *ex certa scientia.* Tunc enim Principi testanti credendum est, Clement. *1. de probat. 2.* si fiat verbis æquipollentibus *3.* si confirmationi inseratur tenor dispositionis confirmationis, *c. penult. de confirmat. util. vel inutili.*

^{1023.} Effectum confirmationis specialis communiter dicunt esse, quod novum jus tribuat actui confirmato, eumque validet, si ante invalidus erat, *juxta c. Si quis, de confirm. utili.* Sed hoc sic indefinitè prolatum in multis fallit quoad effectum dictæ clausulæ, ex certa scientia, ut constat ex *dict. in tit. de Rescript.* & communiter limitatur, ut non procedat. *1.* quoad voluntatem supplendi defectum, si Princeps in tali defectu nunquam dispensare soleat, esto possit. *2.* si defectus sit contra jus naturale. *3.* si per confirmationem derogaretur alterius juri acquisito; ita Layman in *c. 1. de confirm. n. 7.*

Præter hæc not. confirmationem tam in forma communi, quam speciali posse dividii in essentialē, & accidentalē. *Essentialis* est, quæ requiritur ad ejus formam, & substantiam, eò quod in statuentibus non sit potestas ferendi per se ipsos legem, aut condendi statutum obligans, nisi confirmatum à Superiori; ex quo colligitur, quid sit confirmationis *accidentalis*; his positis:

^{1024.} Quæstio est. *1.* an statutum confirmationis à Superiori, confirmatione solum accidentalē, à statuentibus possit tolli, & revocari? *2.* affirm. ex Bartolo in *L. omnes populi, ff. de Jure & Just. n. 33.* Azor p. *1. L. 5. c. 26. q. 15.* quia sic pendet à sola libertate statuentium. Limitari tamen debet. *1.* ut non procedat, si habeat confirmationem Principis in forma speciali. Constat ex *dict. à n. 1023.* Sic enim habet maiorem firmitatem, quam habeat ex natura sa. Cum illud Princeps faciat suum. *Gail.*